

四庫全書

史部

欽定四庫全書

秘書監志卷五

元 王士點 撰

秘書庫

自昔秘奧之室曰府曰庫蓋言富其藏也世皇既命官以職其局鐫緘滕之事而後列聖之宸翰纂述之紀志天下文籍古今載記所以供萬幾之暇者靡不備具雖圖像碑誌方技術數之流畢部分類別而錄云

延祐二年九月初五日秘書郎呈奉指揮發下裕宗皇帝書硯從實收管

孝經三冊不全

論語七冊不全

小學二冊不全

周易一冊不全

唐鑑六冊不全

孝經卷子一箇不全

倣書一卷零一幅

玉硯一箇匣全微有損

風字硯一箇

延祐二年七月十六日奉集賢院劄付當年四月二十

三日穆哩庫集賽第二日嘉禧殿內有時分對庫庫岱院使張司農太史院樊仲信等有來本院官庫春太保叔固學士奏過事內一件裕宗皇帝根前說書的先生王贊善是和許仲平先生一處衍授時歷來的裕宗皇帝小時節讀的文書寫來的字更使來的一箇玉硯一箇風字硯王贊善收拾著來如今他的孩兒說不是他每合收來的將來呈獻過麼道上位看了奉聖旨都教秘書監裏好生收拾者王贊善并他父祖根底依著姚公茂竇漢卿體例與

封贈者您與省家文書者麼道聖旨了也欽此

至正元年九月二十二日伊克集賽第一日明仁殿後
宣文閣裏有時分對托克托右丞相庫庫承旨有來多
爾濟巴勒學士特奉聖旨有裕宗皇帝讀的文書寫來
的倣書秘書監裏收拾者有你去取將來者麼道傳聖
旨來欽此除欽遵外當日巳時多爾濟巴勒學士羅羅
少監對各監官關領前進獻至九月二十四日申時對
本監官吏并帝王像回納還庫訖

論語七冊大小不同

小學二冊

周易一冊

孝經一冊

微書一卷

唐鑑六冊

大學衍義節略一冊

尚書政要一冊

唐太宗帝範一冊

孝經卷子一冊

匣子一箇內大紅銷金袂兜一箇盛青宮要略一冊

至大四年二月初六日有舒庫爾齊貴僧濟蘇摩哩校

書焦校書赴監傳奉皇太子令旨二月初五日巴哈集

賽第三日隆福宮西棕毛殿東耳房內有時分對伊拉齊詹事舒庫爾齊貴僧特奉皇太子令旨把戒看的文書都教般將秘書監裏去者敬此與盛少監王少監一同交割到書籍六百四十四部計六千六百九十八冊內七部紙褙計二百七十一冊乞照詳事得此施行間今准禮部關奉中書省劄付詹事院呈太子校書呈照得元收管書籍圖畫內除節次敬奉令旨應有的圖畫并手卷都與噶海齊司徒者其餘的文畫盡數交割與

秘書監家好生收拾者休教損壞了敬此今將給賜各官并交割與秘書監書籍各各數目就取到秘書庫收管繳連開呈

延祐六年正月十二日准中書禮部關奉中書省判送詹事院呈延祐五年十一月三十日圖們岱爾詹事李家努中議兩箇奏皇太子坐了位次呵合看前代帝王治天下的文書有世祖皇帝教寶太師等秀才每於尚書裏揀擇出來的帝王治天下緊要的文書又裕宗皇

帝讀來的文書并寫的倣書等又皇帝教和塔拉圖嚕
默色譯寫來的大學衍義唐太宗帝範文書合教太子
根底放著看覷麼道伴當每說有是父祖教揀擇出來
的前代帝王行的是來的文書并看來的文書有皇帝
根底奏了教取將那文書每來太子根底放著閒便時
看呵怎生啟呵奉令旨皇帝根底奏者麼道奏呵那般
者麼道聖旨了也欽此

泰定二年十二月二十五日有太子贊善馬伯庸學士

對監官趙秘卿李少監虞少監布哈監丞等傳奉聖旨
泰定二年十二月二十三日色埒默集賽第一日興聖
宮東鹿頂樓子上有時分對圖嚕院使鄂勒哲特穆爾
僧格等有來太子諭德實勒們詹事贊善馬學士奏裕
宗皇帝寫來的倣書并讀來的文書又仁宗皇帝東宮
收拾來的文書在秘書監裏有奉聖旨取將來者欽此
至治三年七月初二日准太常禮儀院闕大樂署呈准
本署孔承直闕延祐五年二月初三日額森特穆爾集

賽第三日嘉禧殿裏有時分對大慈都承旨妙長老有
來孔子五十四代孫孔思逮因進獻魯司寇石碑像的
上頭聖旨問你如今那裏勾當裏回奏道太常禮儀院
做署丞裏塔海承旨完顏承旨特奉聖旨既是孔夫子
的孩兒教翰林院裏替一箇先滿的待制者便與省部
家文書者麼道這石碑像您與秘書監文書教他每收
拾者聖旨了也欽此

泰定二年十二月初五日照得近准監丞李從事闕延

祐六年五月奉大司農司印帖該延祐六年四月十六日張彥清特奉聖旨在前劉太保為頭色辰皇帝舊行來的官人每的畫像教李肖崑依著他每各家的大神對模傳寫了呵教小何裱褙成看冊我看過呵秘書監裏收者合用的工錢就您司農司子粒錢內支付與者李肖崑一處畫神的別箇畫處休差撥者教他每併工比及我下馬完備了者麼道聖旨了也欽此當職於大司農司子粒錢內關支到顏料錢中統鈔一十錠對本

傳寫到劉太保等三十人襖成看冊完備分付大司農張彥清收清了當至今未曾發到若不移文係欽奉聖旨事意如准行移欽依發來收藏相應

延祐三年五月初二日本監官楊秘卿傳說延祐三年四月二十七日李叔固大學士傳奉聖旨趙子昂每寫來的千字文手卷一十七冊教秘監裏襖了的好生收拾者合用的襖襖物料與省家文書應付者麼道聖旨了也欽此

延祐六年九月初一日額森特穆爾集賽第二日文德殿後鹿頂殿內有時分鄂齊爾丞相鄭司農等對舒庫爾齊額森特穆爾院使索諾木院使僧格錫里司農特默格院使續院使等官有來鄂齊爾丞相奏翰林國史院編修官曾巽申小名的秀才將他自做到大駕鹵簿圖二軸書十冊上位根底呈獻過奉聖旨教續院使將去與秘書監譚秘卿將往秘書監裏好生收拾者後頭用著去有麼道聖旨了也欽此

大德四年七月十六日准中書禮部關奉中書省劄付
來呈秘書監關前平灤路鹽司副使唐文質呈歷代遠
方珍貢異者多矣竊以官爵姓名圖畫至今後世傳之
以為盛事聖朝自勦業以來積有年矣名臣烈士尤盛
於前代俱未見於畫圖文質不避僭越之罪願盡平生
之學畫遠方職貢之圖及名臣之像藏諸秘府以傳永
久如准所言實為盛事具呈照詳得此議得依准唐文
質所言圖畫候有成效至日聞奏依上施行奉此關請

照驗准此行據唐文質呈職貢圖名臣像俱係流傳永
久不敢率易下筆必須起草儻有更換易於改革不惟
有減物料亦得効其所能今來卑職編類次第布置規
模自備紙劄顏色彩畫立為定藁呈省看過然後計料
闕取合用物料彩畫靜本實為便當移關禮部依上施
行

大德五年七月初九日准禮部關來文直長唐文質彩
畫諸國進獻禮物人品衣冠若蒙取勘起藁發下彩畫

靜本誠為便益關請照驗准此照得先奉中書省劄付本部呈秘書監關前平灤路鹽司副使唐文質呈歷代遠方貢珍異者多矣功臣官爵姓名圖畫至今後世傳之以為盛事聖朝自開國以來名臣烈士尤盛於前代俱未見於圖畫文質不避僭越之罪願盡平生之學畫遠方職貢之圖及名臣之像藏諸秘府以傳永久都省議得依准唐文質所言圖畫候有成效至日聞奏仰行移依上施行奉此本部照得凡諸國朝貢使客雖是經

由行省必須到都於會同館安下除已令本館將已起
見在使客詢問本國國主姓名土地廣狹城邑名號至
都里路風俗衣服貢獻物件珍禽異獸具報本部移關
貴監以備標錄其使客形狀衣冠令唐文質就往本館
摹寫外關請照驗

大德五年七月初九日本監移中書兵部關奉中書省
判送兵部呈秘書監關著作郎趙從仕呈見為編寫大
一統志除秘監發下志書一部在局編校外照得在先

亦有一部見留中書兵部中間多有不同必須發下互相參攷庶得歸一成書本部參詳大一統志書若依著作所呈令本部典吏時公泰專一收掌赴局互相參攷檢照就令編寫志書了畢還部似不點污損壞具呈照詳覆奉都堂鈞旨送兵部將上項志書關發本監照用事畢還官

延祐七年五月准中書禮部關奉中書省劄付檢校官呈中書省照得省部架閣庫見收文卷簿籍諸物切恐

各庫不為用心失於收架於延祐六年十二月二十八日連送禮部郎中張朝請仰依已行事理施行奉此將見收諸物與本庫官典一同分揀於內除必合存留中書令尚書令翰林國史院祭御容金銀器盒紫衣禮物等錢累年開讀過詔赦并追到諸人元受宣命勅牒執把鋪馬聖旨諸王令旨一切文憑依舊收貯外據其餘諸物行下省架閣庫依數交付秘書監就便差人關領依例收貯

一總計實合關收物色

玉圖書印兒一個

盛玉圖書木盒兒一個

杭州海道圖一軸

隨朝百司衙門事務圖一軸

賈似道真容二軸

乾象璇璣圖一軸

天象圖一軸

混一圖一軸

大小無名神像五軸

通志書一百五十冊

救荒活民二十九部每部三冊計八十七冊

通鑑九十九冊

漢書七十五冊

春秋六十二冊

孝經一十三部計三十九冊

至元十二年九月二十九日皇城暖殿裏右侍奉御呼
圖克約蘇奇爾穆蘇秘書監焦秘監趙侍郎一同奏臨
安秘書監內有乾坤寶典并陰陽一切禁書及本監應
收經籍圖書書畫等物不教失落見數呵怎生奉聖旨
已延行道將去者又奏江南諸郡多有經史書籍文板
都教收拾見數不教失散呵怎生奉聖旨您問了歸附
官員呵已延行道將去者欽此

至元十三年十二月今有樞密副使兼知秘書監事說

道今年六月十一日內裏主廊裏有時分奏咱使的焦尚書江南收拾秘書省文字去來聽得收拾聚也教盡數起將來呵怎生奉聖旨教將來者欽此樞密院移咨南省取去來見今焦尚書收拾到經籍書畫等物解發南省已運到中書省也所據前項焦尚書收拾到一切經史子集禁書典故文字及書畫紙筆墨硯等物俱是秘書監合行收掌當月初十日樞密副使兼知秘書監事說道近奉都堂鈞旨該欽奉聖旨教於大都萬億庫

內分揀到秘書監合收拾經籍圖書等物可用站車一
十輛搬運赴監收貯

大德三年三月准中書禮部關奉中書省判送本部呈
奉省判遼陽行省咨歸附等軍萬戶府脩移拉重喜呈
到親眷蕭元努元與玉印一顆令簽省已延嘉議賁去
咨請收管回示准此送禮部行據鑄印局申令人匠辨
驗得上項玉印一顆係漢家篆文內府圖書之印具呈
照詳覆過奉都堂鈞旨送禮部行移秘書監收訖

至治元年七月初二日本監卿大司徒沙木斯鼎榮祿
傳奉當年六月二十三日蘇都爾集賽第三日睿思閣
後鹿頂殿內有時分對舒庫爾齊巴爾斯濟蘇院使索
諾木院使托迪承旨奇徹台知院等有來拜珠丞相塔
刺海員外郎兩個特奉聖旨三顆玉寶一顆象牙寶分
付與秘書監裏教收拾者麼道聖旨了也欽此

寶四顆

皇帝行寶白玉雙龍紐一顆上帶紅絨絛系

欽崇國祀之寶青白玉五螭紐一顆

光堯壽聖憲天體道性仁誠德經武緯文太上皇帝之寶蒼玉寶碾螭紐一顆上有舊黃絨小絛系

宋皇帝寶象牙素紐一顆上有裂璽

至大二年十二月准尚書禮部關奉尚書省劄付本部呈准秘書監關准漢兒字必里克該香山司徒大都丞相言語根隨德勒格爾布哈太子迤北出軍去的陰陽人韓瑞軍上合用的陰陽文書教秘書監裏與呵怎生

奏呵奉聖旨那般者麼道聖旨了也粘連到所關書籍
七部本監照得寶元天人祥異宋天文全部即係天子
親覽禁秘之書非餘者所當觀閱具呈照詳於至大二
年十一月初五日伊克集賽第一日宸慶殿西耳房內
有時分舒庫爾齊伊勒濟呼丞相博囉齊托爾齊巴延
太師達繳丞相齊勒特穆爾丞相實保齊玉龍特穆爾
丞相扎蠻平章哈喇勒岱叅政大順司徒等有來尚書
省官三寶努丞相孟克特穆爾丞相等奏過事內一件

太子軍前將著行的陰陽文書教秘書監裏與者麼道香山等俺根底傳聖旨來秘書監官人每說那文書是上位合看的文書這般與的體例無有麼道說有俺商量來體與呵怎生奏呵奉聖旨那般者欽此

至元十一年正月照得本監欽奉聖旨見收陰陽禁書并一切回回文字除欽依外即目多有收到文書未曾製造書櫃恐經夏潤虫鼠損壞今擬用紅油大豎櫃六個內各置抽匣三層鎖鑰全常川收頓秘書相應

元貞三年正月二十日秘書監照得近為本監裱褙大
案一面油漆損壞移關中書工部差人前來相視計料
合用工物漆造



秘書監志卷五

欽定四庫全書

史部
祕書監志卷八
六至

編修臣
初喬齡覆校

武英殿纂修侍講陳嗣龍

欽定四庫全書

秘書監志卷六

秘書庫

元 王士點 撰

延祐三年三月二十一日穆哩庫集賽第一日嘉禧殿
內有時分對舒庫爾齊伊納克院使雅布哈與張彥清
學士有來叔固大學士對本監言庫庫楚少監傳奉聖
旨秘書監裏有的書畫無籤貼的教趙子昂都寫了者

麼道

至元十四年正月二十二日內裏鄂爾多裏有時分博囉官人張左丞趙侍郎欽奉聖旨秘書裏有損壞了的文書書畫都擗掠底好者欽此

至元十四年二月裱褙匠焦慶安計料到裱褙書籍物色

書籍文冊六千七百六十二冊

裱褙綾

一萬三千八百六十二尺一寸

每冊

黃綾二尺計一萬三千五百二十四尺

每冊

題頭藍綾半寸計三百三十八尺一寸

紙扎每冊

大小紙六張計四萬五千七百七十二張

濟源

夾紙三張計二萬二千八百十六張

束鹿

線紙三張計二萬二千八百十六張

打麪糊物料

黃蠟

一錢計四十二斤四兩二錢

明膠

一錢計四十二斤四兩二錢

白礬

一錢計四十二
斤四兩二錢

白芨

一錢計四十二
斤四兩二錢

藜蘆

一錢計四十二
斤四兩二錢

皂角

一錢計四十二
斤四兩二錢

茅香

一錢計四十二
斤四兩二錢

藿香

半錢計二十一
斤二兩一錢

白麴

五錢計二百一
十二斤一兩

硬柴

半斤計該二百
一十一秤五斤

木炭

二兩計五十二秤
一十三斤四兩

畫軸大小相滾作二幅計一千單九軸每軸用物料

顏色綾

紅絹八尺計八千
七十二尺

色綾

上等四尺計四
千三十六尺

黃綾

一千五
百尺

藍綾

一千五
百尺

白綾

五百一
十八尺

皂綾

五百一
十八尺

色絹

計四千三十
十六尺

黃絹

一千五百
百尺

藍絹

一千五百
百尺

白絹

一千五百
十八尺

皂絹

一千五百
十八尺

紙每一軸

大小四十張計四
萬三百六十張

濟源

夾紙一十六張計一萬
六千一百四十四張

東鹿

綿紙二十四張計二萬
四千二百一十六張

打麪糊物料每軸

黃蠟

二錢計一十二斤九兩八錢

白礬

一錢計六斤九兩四錢

藜蘆

二錢計一十二斤九兩八錢

白麪

一兩計該六十三斤一兩

茅香

二錢計一十二斤九兩八錢

木炭

半斤計三十一斤八兩

至元二十一年二月二十九日照得至元十四年正月

二十二日內裏鄂爾多裏有時分博囉官人張左丞趙侍郎欽奉聖旨秘書監裏有損壞了底書畫都擗掠的好者欽此具呈照詳去後准中書工部關就令大都路差祿補匠焦慶安前來本監將所有書籍圖畫各各損壞大小不等相滾計料合用物料開坐具呈

大德四年十月三十日准中書工部關奉中書省判送大德四年九月二十四日舒庫爾齊衆嘉努哈喇薩哈勒圖欽奉聖旨秘書監裏有底書畫揀好底衆嘉努哈

喇薩哈勒圖您兩個管著者省官人每根底與文書依著張叅政說底杭州鋪馬裏取好匠人都裱褙得完備者合用底紙綾子教將作院官人每根底應付上綾用者擗掠底完備時教留守司官人每上等不油底江南好木頭做匣子者別個底做漆匣子收拾者用著底玉圖書教咱每年號依著在前樣子教馬嘉努酌中底玉磨與者太府監裏有底玉軸頭少底添與者教張叅政提調者麼道聖旨了也欽此至大德六年六月裱褙畢

工書畫手卷六百四十六軸本監照得欽奉聖旨裱褙
秘府書畫今已完備所有簽貼合委請字畫精妙之人
題寫

大德五年二月初五日本監准中書戶部關差萬億庫
官元提舉引領司庫皇甫士元與本部丁奏差於內府
庫賫得玉軸頭五十九個付秘書監內於都省張叅政
當面對秘書監官依數納足

青菜玉軸頭大小五十四個內

水石一個

菜玉軸頭三個

瑪瑙軸頭二個

天歷二年十一月二十六日照得當年三月二十一日
庫春貝集賽第二日興聖殿後穿廊裏有時分舒庫爾
齊巴延特穆爾伊勒都齊哈喇巴圖爾哈喇哈斯給事
中達爾瑪實哩僧額埒伊拉約胡叅書柯叅書等有
來本監官譚學士秘書卿穆薛飛特奉聖旨秘書監書

畫好生收拾者少的厨櫃架子您與工部文書行教添造者麼道聖旨了也欽此

至元十五年五月十一日秘書監照得本監應有書畫圖籍等物須要依時正官監視子細點檢曝晒不致蟲傷浥變損壞外據回回文書就便北臺內令鄂都瑪勒一同檢覲曝晒

至元十四年正月二十二日張左丞奏先奉聖旨教張平章俺兩個分間江南起將來底文書去來據經史子

集典故文字陰陽禁書書畫宋神容俱係秘書監合行收掌如別衙門遇有合檢閱書籍立收附於秘書監闕取用畢却行還監呵怎生奉聖旨那般者欽此

至元十六年三月二十四日奉監官圓議得本監見收書畫非奉聖旨及上位不得出監

延祐五年三月初九日監官議得秘書庫所藏御覽圖籍禁秘天文歷代法書名畫諒為不輕近年以來凡遇出納秘書郎等自行開封倘蒙上位不測取索書畫失

悞未便今後移請監官一員不妨本職逐月輪流提調如遇陰雨點視疎漏常例舒展曝晒及出納書畫不測之事直日秘書郎等計會提調府親詣府庫用心監視一同開封毋致似前違錯仰移闕監丞王奉訓依上提調仍下秘書郎依上施行

至正二年五月准監丞王奉議道闕切謂古之書庫亦各有目圖畫亦各有題所以謹貯藏而便披玩也伏覩本監所藏俱係金宋流傳及四方購納古書名畫不為

少矣專以祇備御覽也然自至元迄今庫無定數題目
簡秩寧無紊亂若不預為將經史子集及歷代圖畫隨
時分科品類成號倘時奉旨庶乎供奉有倫因得盡其
職也合無行下秘書庫依上編類成號置簿繕寫誠為
相應

在庫書

經一百二十一部一千二十三冊

史七十九部一千七百二十四冊

集五十七部一千七百二十四冊

道書三百三部四百二冊

醫書一十四部一百七十一冊

方書八部一百五十二冊

先次送庫書一十二部四百七十八冊

經六部一百一十三冊

史四部七十五冊

集二部二百九十冊

後次發下書一千一百五十四部一萬六百三十四冊

經書二百四十四部二千一百四十五冊

史一百三十二部一千八百四十三冊

子一百二十二部七百一十二冊

集四百六十三部五千九百三十四冊

法帖四十二部二百一十七冊

續發下書六百四十二部七千五百一十冊

經一百六十六部一千九百四十六冊

史四十六部一千二百七十冊

子二十六部七十三冊

集一百二十部二千五十三冊

類書九十六部九百三十一冊

小學六十八部二百二十八冊

志書三十三部三百三十冊

醫書五十一部四百六十一冊

陰陽書一十五部一百三十冊

農書一十二部三十七冊

兵書五部二十一冊

釋通書三部二十二冊

法帖一部一十冊

書畫二千單八軸

法書四百八十二軸

法書八十三軸

手卷三百九十九卷

內府取三十五卷

今在庫三百六十四卷

名畫一千五百五十六軸

名畫一千一百五十五軸

內府取八十三軸

今在庫一千七十二軸

手卷三百七十一卷

內府取出三十卷

今在庫二百三十七卷

看冊七帙

秘書監志卷六

欽定四庫全書

秘書監志卷七

元 王士點 撰

司天監

司天之隸祕省因古制也國初西域人能歷象爰置司
天監皆在祕府事務之稟授當次諸簡末云

至元十年閏六月十八日太保傳奉聖旨回回漢兒兩
個司天臺都交祕書監管者

臺官六員

三員見掌在臺供職

少監鮮于淳

判官郝志彬 趙德新

三員見隨侍安西王

臺判蘇正 王世安 郭德

提學一員

教授二員

學正二員

管勾押宿官一十三員

承應人七十二名登臺占候天象

知書一名掌案牘

裝寫歷日一十名

習學生七名

至元十一年十月初七日太保大司農奏過事內一件
欽奏回回漢兒司天臺合併做一臺呵怎生奉聖旨那

般者欽此

至元十二年正月十九日司天臺奉秘書監指揮備准
中書吏部關該定擬科舉公事據程試司大格式備細
法度講議定擬疾早申來承此本臺講議間又奉指揮
亦為此事照得至元七年太保奏奉聖旨選取五科陰
陽人數當時於本臺各科經書內出題許人投試知曉
者收充長行承應勾當及會得舊日程試司大格式每
三年一次差官於草澤人內精加考試中選者收作司

天生員給食直入臺攻習五科經書據司天生本臺存
留習學子弟亦三年一試中選者作長行待闕收補為
此議得若依至元七年試例程試五科陰陽事業緣為
五科經書內有欽奉聖旨已行拘收禁斷名件民間不
得通習似難依上選試若令草澤人依舊例程試中選
者收係養贍却緣草澤許試經書易為習學又恐隨路
貢舉人多難以盡行收係今來本臺叅許合無驗各路
大小限定合貢草澤人員與本臺存留習學人每三年

一次照依下項定擬到事理程試收係似為相應緣為
例之事誠恐所擬未當開坐秘監照驗

一舊例草澤人三年一次差官考試於所習經書內
出題六道試中者收作司天生官給養直入臺習學
五科經書即日本臺未有額設司天生員止有五科
長行若令草澤人許直試長行人員緣五科文書已
行拘禁了當其草澤人不得習學所據草澤許習經
書即非五科切用正書難便許試長行擬合依舊例

程試如試中者收作司天生是為相應今具許習經書試格如後

所習經書

宣明歷 符天歷 呂才婚書 王朴地理新書

以上經書須合通習

周易筮法

五星

以上經書合從其所習臨日考試各出題一道許

就試人科答題一道其答五星仍許攜照星經書

入院

試格

題六道量作兩日程試

歷科題名一道

假令依宣明歷推步某年月日恒氣經朔

假令依符天歷推步其年月日太陽在何宿度

婚書題一道

假令問正月內陰陽不將日有幾日

地理新書題三道

假令問安延翰以八卦之位通九星之氣可以知都邑之利害者何如

假令問五姓禽交名得是何穴位

假令問商姓祭主丁卯九月生宜用何年月日晨安葬

占卜題一道

假令問丁丑人於五月丙辰日占求財筮得姤卦

初爻動依易筮術推之

假令問正月甲子日寅時六壬術發用三傳當得何課

假令問大定己丑人五月二十二日卯時生祿命何如依三命術推之

假令問七強五弱何如之數依五星術以對

一舊例司天生并本臺存留習學子弟三年一次試長行各驗科目於所習經書內出題試中者驗文理以

定高下待闕補充長行人員今議得合依舊例程試
是為相應

占候天文科

先視驗目力
與測驗科目

所習經書

晉天文 隋天文 宋天文

以上科習一家

景祐周天星格圖直圖

試格

點畫天星題一道

假令問紫微垣東方七宿中外宮之類

義題二道

假令問渾天周髀宣夜三家孰長之類

占候三式科

所習經書

太一王希明金鏡二經

景祐福應集

遁甲天一萬一訣

又名三元式經

景祐符應經

神定經

六壬連珠集

補闕新書

試格

假令題一道

問某年月日時四計大乙在何宮之類

義題二道

皆不限字數並以不失題
意文理優長者為中選

假令問冬至天元一七四何義之類

假令問百六涉害何義之類

推步歷算科

所習經書

大明歷經書

舊例試宣明符天等歷日今見
行大明歷法合試大明歷書

試格

日蝕題一道

假令問大定庚子歲至乙巳歲其間有無日食但
取一蝕為定

大明歷五星題一道科問一星

義題二道

假令問辰法三除者何義之類

測驗天文科相驗目力

所集經書

晉天文 隋天文 宋天文

以上科習一家

渾儀總要星格

試格

點畫天星題一道

假令問三垣二十八舍或赤道內外其星幾座具

形體默畫

義題二道

假令問渾儀七曜之行何義之類

司辰漏刻科

備將試中之人試驗
聲口禮數升降名次

所習經書

宋天文內漏經

舊例試宣明符天漏經目今
見行宋天文漏經合試此書

試格

假令二道

假令問冬至五月日夜半定漏

假令問立春五日中晷常數之類

義題二道

假令問四時晝夜刻數不同何義之類

假令問四時中晷常數不同何義之類

一舊例司天生試長行長行試管勾管勾試教授今來
議行今後若管勾有關許五科長行試補如教授有
闕許五科管勾試補今定列試格於後

長行試五科管勾者於本科應用經書內出題六道內
假令三道義三道俱中者驗文理以定高下遇闕以
次補用

管勾試教授者於五科經書內每科出題二道假令一道義一道已上十題俱中者依前定高下遇闕補充一隨處或有官司拘收禁書已前先曾習學五科經書藝業精驗及德行可稱者若止令依例試充司天生員是為蔽抑如有似此之人合令本路官司體問所習科目委是精驗保結開申許直試各科長行中選者待闕收補是為相應 試例通上

至元十三年閏三月十四日戶部呈至元十二年開除

不當差戶內有合分揀收差戶計開到各各名項乞定
奪事都省除外據司天臺陰陽戶計差官與秘書監官
一同試驗如委通陰陽科目文書底人免本身差役其
不通收係當差劄付秘書監照會去後回呈開坐到本
臺陰陽戶數乞定奪施行都省准呈今委前絳州知州
馬希驥御史臺委監察御史一員與本監大都路總管
府官試驗外合下仰照驗無致中間看徇違錯仍具選
試過委通陰陽人姓名各各科目并不通陰陽人姓名

備細保結開坐呈省

至元十五年十月十一日司天少監克里瑪鼎照得在先敬奉皇子安西王令旨交克里瑪鼎每歲推算寫造回回歷日兩本送將來者敬此今已推算至元十六年歷日畢工依年例合用寫造上等回回紙劄合行申覆
秘監應付

至元十二年八月司天臺算歷科管勾曹震圭呈本臺見用大明歷法至今歲久漸疎為此先於去年十一月

內已曾呈省蒙判送本臺講究已行回申了當到日多
日不蒙明降切恐失候國家大事臨時疑難分析乞照
驗事呈奉都省送吏禮部定擬具呈

至元十三年六月十一日奏奉聖旨教改演大元國新
歷者教司天臺選差能書算測驗精通三十人於改歷
處用者欽此行據司天臺申就於本臺官員管勾陰陽
人選取三十人俱各書算測驗熟閑實是精通申乞照

驗

一總計三十名

算造二十名

臺官二員

少監馮天章 判官趙德新

提舉一員郝昇

教授一員劉巨源

管勾二員曹震圭 霍從政

學正一員張世英

長行人一十三名

張伯祥

郝餘慶

程顯道

張仲英

劉克讓

王素

張珪

高泰素

王彥實

朱諒

郝智

申居敬

趙居富

書寫三名

李餘慶

張誠

王亨

測驗七名

管勾二名

張居實

岳鉉

兼書寫并大都就用測驗

長行人五名

王椿

任世清

趙伯亨

趙禎

陳泰初

至元十三年正月二十一日准秘書監克里瑪鼎關該奉中書省判送為秘書監扎瑪里鼎呈欽奉宣命不妨本職兼提點司天臺官其司天臺陰陽人員應行公事並不一處商議請依奉都堂鈞旨照擬回關事准此照得至元十年十月內欽奉聖旨合併司天臺稟奉太保

鈞旨該司天臺官員已經奏准比及祇受以來令北司
天臺官馮天章克里瑪鼎與臺官鮮于少監等具依舊
職名一處畫字勾當又蒙太保省會奉聖旨司天臺雖
合併了回回漢兒陰陽公事各另奏說欽此已令司天
臺依上施行及照勘得秘監扎瑪里鼎元授宣命提點
北司天臺係併臺之前欽授所據司天臺雖是合併明
有奏准聖旨回回漢兒陰陽公事各另聞奏本官自合
欽依元授宣命提點回回陰陽公事即不知本臺回回

官員不行一處商議事理今准前因當監議得司天臺一切回回陰陽公事本臺掌管回回陰陽官員合行依舊經由提點扎瑪里鼎商議處置回關照驗

至元十三年正月秘書監會驗司天臺下項合行事務仰逐一遵依施行仍具管不違悞文狀申來

一本臺瞻候選卜一切事理唯是依憑陰陽文書以為法則即目各科所用文書除歷經權行校勘外其餘典籍未曾校正所據陰陽人各家私收文字遞相差錯不

能歸一為此照到本臺先申各科所用文書開坐前去
仰各科官員陰陽人等就臺置局臺官教授親行監視
將各各文書須要校正歸一合理並無差錯執結文狀
申來以憑印記發下行用

天文測驗漏刻科

宋天文

漏經附

晉天文

隋天文

渾儀

總要星格

星總星格

景祐圓直圖

大觀圓直圖

三式科

太一金鏡式經 景祐福應集 遁甲 天一萬

一訣 景祐符應經 六壬連珠集 神定經 補

闕新書

一本臺舊例臺上安置風輪依時占圖八面之風秘府
先累曾省會本臺依例安置去後至今不見了畢仰臺
官督勒三式科當該人員須要日近製造起立令當直
人員依例占候附歷如是似前違慢定見究治

一本臺先申三式科陰陽人員合行依例每年推算風

雨歷日并每月二次出題試問占筮之事如限內不行
納到嚴行責罰秘府已經准申施行去後切恐中間減
裂仰臺官提調仍將每月功課逐旋送學官校勘優劣
申臺照驗依例責罰

一本臺已行安置浮漏見設漏刻科管勾長行人等所
據前項漏刻不見常川調品仰臺官親行點視今本科
人員輪番晝夜常川調品行漏無致時刻間斷如違究
治

至元二十五年正月初五日奉集賢院劄付來奉尚書
省劄付蒙古奏事譯該至元二十四年十一月初八日
伊克集賽第一日香殿裏有時分和爾齊托里特穆爾
布哈拉古爾齊托里台博囉齊噶達蘇索歡同知伊德
實同知對這的每僧格丞相鄂爾和薩里平章葉右丞
阿難尚書等奏秘書監司天臺裏有的觀星象的每根
底在先扎瑪里鼎阿錫葉他每相管著來前者扎瑪里
鼎阿錫葉兩個根底秘書監漢兒觀星象的每根底休

教管者麼道聖旨有來如今將秘書監司天臺集賢院裏色埒默鄂爾和薩里那的每根底教管呵怎生奏呵那般者麼道聖旨了也欽此

至元十年十月北司天臺申本臺合用文書

總計經書二百四十二部

本臺見合用經書一百九十五部

烏赫哩造四壁算法段數十五部

海拉蘇庫稜解算法段目三部

實勒塔克達實雅爾諸般算法段目并儀式十七部

敏珠爾丹造司天儀式十五部

阿堪訣斷諸般灾福

闕

部

拉木立占卜法度

闕

部

瑪塔爾立灾福正義

闕

部

哈里雅爾歷法段數七部

和斯布哈諸般算法八部

積尺諸家歷四十八部

松阿里阿爾齊巴星纂四部

薩哈勒阿魯圖造渾儀香漏八部

薩爾幹諸般法度纂要十二部

提點官家內諸般合使用文書四十七部

伊納克齊燒丹爐火八部

特哩醫經十三部

阿勒穆特論說有無源流十二部

特爾格總年號國名三部

默呼辨認風水二部

佛琳散相一部

扎蘭齊喇別認寶具五部

和約爾造香漏并諸般機巧二部

實喇岱詩一部

烏蘇拉八個

庫稜小渾天圖

阿實達實巴爾測太陽晷影一個

伊克托爾小渾儀一個

巴勒格實袞定方圓尺一個

至元十年十一月初七日太保大司農奏過事內一件
興文署掌雕印文書交屬秘書監呵怎生奉聖旨那般
者欽此

本署元設

官三員 令一員 丞二員 校理四員 楷書一

員 掌記一員

事故

官一員楊時煦

身故

校理二員今改大都儒學教授

孫英 劉震

見任官二員

署令馬天昭

署丞王鼎

校理二員李嘉 古申

楷書呂勗 掌記趙謙

雕字匠花名計四十名

作頭一名 匠三十九名 印匠一十六名

至元十三年十二月中書省奏奉聖旨省併衙門內興文署併入翰林院王待制兼管有印造每年歷日事務撥附秘書監親管王待制牒保都作頭董濟於本監依舊勾當祇受吏部劄請俸依上勾當

秘書監志卷七

欽定四庫全書

秘書監志卷八

元 王士點 撰

表箋

聖節賀表

至元三十年
劉廌

律中南呂肇開彌月之祥

闕

共效如山之祝聲

教所暨

闕

中賀

欽惟憲天逮道仁文義武大光

孝皇帝陛下德合乾坤明並日月繼中華之正統席列

聖之洪基異域來王見皇威之遠暢新河既道慶國漕之旁通大庇羣生永膺多福臣某等欣逢穀旦獲近清光仙省承恩徒忝修書之任兕觥獻壽願推報上之誠

賀正旦表

至元三十年
王公孺

三十年曰世協堯歷以授時八千歲為春指莊椿而稱壽穹垠薦祉臣庶傾心中賀剛健粹精高明悠久隆封建以安磐石通漕運以實京師熙績而允釐百工迪功而外薄四海申命行事法羲易之甲庚頒朔起元符虞

朝之戊午治新象魏慶衍鴻圖某等幸際昌辰濫司秘
府筭班趨賀正月之吉始和椒頌對揚萬年以介景福

賀聖節表

電繞樞虹流渚式彰萬世之禎祥龜負檢龍薦圖允協
千齡之聖運惟金行之應律罄海宇以騰歡中賀功塞
兩間道光五葉舞干羽而方懋厥德執玉帛者罔有不
庭雨暘時叙而品物亨朝廷清明而治功著太平有象
樂西成大稔之年丕祚無疆現南極老人之瑞臣等承

之東觀獲仰西清幸逢彌月之臨敢起後天之祝丹墀
拜手叨陪玉筍之班瑤殿稱觴願挹金莖之露

賀正表

至元三十一年
王公孺

體元端本號開寶歷之初介祉稱觴禮展漢儀之盛昌
辰欣遇率土交懽中賀德備英文仁深孝敬觀天下以

中正履帝位而光明受命維新荷天休之滋至守成為
重見文治之蔚興纂述遺謀兼隆至養宣崇光於先葉
加德教於綿區茂膺獻歲之祥允協三陽之泰蕩恩光

於萬里動春色於九重某等煥舉賀儀恭陪大禮職連
璧彩幸叨石渠東觀之榮頌獻椒花仰祝天保南山之
壽

賀正表

元貞元年
王公孺

九有承風已被周南之化三朝受賀端居長樂之尊慶
洽中天懽騰萬國中賀體涵淵靜德粹溫恭密贊詒謀
力行善事儼母儀於四海備陰教於六宮彤管流輝難
形盛美金文頌德宜受鴻名傳彝典於方來嗣徽音於

振古適履歲華之始宜膺福祐之新某等嚴奉宸闈班
聯秘府三陽布德方坤元資庶物之生萬壽稱觴祝聖
母衍無疆之算

正旦表

元貞二年
倪聖

對時育物乾體資始之元賀朔稱觴坤享安貞之吉宸
闡日永寰宇春熙中賀道合太冲德符厚載徽音播雅
繼周室之思齊聖孝悅親朝漢宮之長信鴻名揚於寶
冊懿範肅乎壺儀屬此履端受茲介福臣某等躬逢穀

旦職忝蓬山鰲極奠安莫紀五色補天之績龍墀慶會
願賡萬年齊壽之詩

賀正表

元貞二年
馬澤

考歷開端式布始和之令體乾為治茂膺長發之祥一
氣回春庶邦胥慶中賀至仁博施達孝光前慈壺尊安
謹四時之寢膳殊方悅服走萬里之梯航三陽屬天地
之交千載際風雲之會臣某等叨塵秘府幸邁昌辰東
壁增輝復見圖書之盛南箕永壽克綏福祿之崇

聖節賀表

大德二年
王公孺

天祐下民茂啟重熙之運臣思報上願伸歸美之誠華

旦光臨寰區同慶

中賀

溫文天縱聖敬日躋蓋自御極

以來未嘗以位為樂恭已務期於安靜睿思時發其英
明以若稽古之心光繩祖武行不忍人之政愛始慈闈
從善如流遇災知懼沛恩澤而溥沾動植虞水旱而封
秩山川螟蝗與沴氣以潛消泰稷告甫田之大稔人躋
壽域世沐祥風臣某等叨居祕府清嚴愧匪儒宗鴻碩

欣逢嘉會上獻露囊九五龍飛慶協誕彌之月懽呼虎
拜算隆億萬之年

正旦賀皇太后表

大德三年
趙忞

坤厚體元茂衍慈闈之祉泰陽肇序宏開壽域之春喜
溢宮庭光生宇宙

中賀

善積有慶德合無疆和氣怡愉

受四海九州之隆養仁心溥博培萬年億載之丕基日
月所照皆尊親天地之間被潤澤祥風誕布化晷舒長
臣某等班近蓬萊躬趨閭闔徽音載誦俯摠歸美之誠

景福惟新仰致履端之祝

正旦表

大德四年
孔淑

春王正月載班玉歷之新天子萬年丕衍皇圖之永乾
坤交泰朝野均歡中賀文武聖神聰明睿知慈壺奉怡
愉之樂椒塗開揖蟄之祥瑞宸視朝諸福之物必至受
圖膺貢四海之內皆臣年喜屢登慶隆申錫某等叨居
秘府幸際昌辰校鴻寶苑之書慙微報效補葦封人之
祝采切對揚

正旦賀表

大德四年
王公孺

時乘六龍出青陽之左个天開萬國拱紫極於中央洪
鈞播景氣之氤大禮覲漢儀之盛中賀英明天縱孝敬
日躋纂承列聖之基圖嗣接一家之正統神人交暢致
克享於天心威德兼隆見光繩於祖武正壺儀而務求
內助講政典而思洽時雍暖回北陸之嚴寒瑞靄九重
之春色臣某等恭陳椒頌庸播芸香一德惟新體乾元
而不息萬年斯永祝聖壽以無疆

天壽節表

大德四年
趙炳

洪範九五福式符震夙之期聖壽億萬年妙合乾元之
運寶樞電繞玉宇秋清中賀濟哲文明剛健中正溥大
德好生之意敷錫庶民紹太平全付之基保成至治隆
本支於百世混文軌於四方慶祉川增懽聲雷動臣某
等叨司中秘深荷上恩日之升月之恒願言歸美天所
覆地所載莫不尊親

天壽節賀表

大德五年
郭道恭

天頒寶歷端五位以有臨春麗玉墀進三陽而開泰頌
聲洋溢和氣薰陶

中賀

德合乾坤明並日月行慶布惠

體大德曰生發政施仁遂羣情所欲撥一札十行之旨
回九州四海之春率土謳歌同心忻戴某等幸逢瑞旦
泰綴清班闔闔曉開共致嵩呼之敬蓬萊雲近俯伸顰
忭之忱

天壽節表

大德五年
王庸

大德必壽適日躔於壽星有道者昌宜天啟其昌運凡

居覆燾同致禱祈

中賀

居正體元顯仁歲用睿算難回

以邪枉神明洞燭於幾微罷寺刹無益之營式寬民力

開司臺正言之路用肅朝綱煥炳百王光輝奕葉臣某

等忝逢誕節喜倍輿情愧無補於聖時慙素餐於中秘

期歸美報採九州四海之歌冀效微忠上億載萬年之

頌

正旦賀表

大德六年
趙炳

寅正紀歲開泰道以生春申命自天應履端而頌朔乾

坤和氣朝野懽聲

中賀

聰明有臨剛健不息奮揚神武

振采薇治外之威敷錫庶民溥洪範建中之福播寬條而布惠體大造之好生一統常尊羣情胥慶臣某等叨同中秘幸際昌辰瞻五色雲喜近蓬萊之瑞祝萬年壽常依閭闔之光

天壽節賀表

大德六年
王庸

慶符良月秀漢芝之九莖瑞表熙辰開堯蓂之五葉節方臨於載誕運適契於丕承凡託蓋容舉深扞蹈

中賀

孝繩祖武德享天心合四海以為家保兆民而若子乾坤覆燾咸歸統御之中日月照臨不出範圍之外頌聲洋溢叶氣橫流臣某等久玷清班叨居秘館幸際千齡之會敬稱萬壽之觴深愧非才未撰帝謨之皇覽尚能歸美載賡天保之周詩

正旦賀表

大德七年
趙鼎

閏定四時行寅正而頒朔尊臨一統闡元會以履端景福維新頌聲遠播

中賀

宏開泰運妙用乾剛天命人心

壯皇基於有永祖功宗德培至治於無疆寬恩體大造
之好生惠政順陽春而布澤冀敷初莢律應始和臣等
星拱紫宸曉趨黃道九疇建五近依天子之光萬歲呼
三共祝聖人之壽

正旦賀表

大德十一年

鳳歷更端禮謹三朝之會龍庭輯瑞歡生萬國之心凡
在照臨惟均鼓舞

中賀

德符乾健道與泰亨調玉燭以

和四時在璿璣而齊七政春生畿甸誕敷賑貸之恩天

金史卷一百一十五
卷八
覆遐方溥賜寬仁之詔薦臻景福永享太平臣某等喜
近清光恭臨盛典班聯共閣幸逢千載之期頌獻椒觴
願祝萬年之壽

天壽節賀表

大德十一年
劉士冕

七月流火誕開臽降之祥萬壽奉觴喜際龍飛之運照
臨所暨扞蹈惟均中賀祇述孫謀丕揚祖烈體乾元而
首庶物繼離明而照四方尊文母之徽稱道全至養立
天下之大本斷自宸衷霈澤先將士之功燭賦寬農民

之力分厥寶玉益親磐石之宗禮以璧琮有肅園丘之
祀諸福畢至和氣交孚臣某等濫守蘭臺欣逢華旦班
聯星拱幸依東壁之光聲效嵩呼願上南山之祝

皇太子受冊賀箋

大德十一年
趙炳

慶衍丕基定儲闡而立本祥開甲觀新冊命以揚名茂
對昌辰備成令典

中賀

德兼仁勇位重元良習與正人

居輔翼選端莊之士言為天下法忠勤明治理之方措
宗社如泰山之安合寰區霑重海之潤頌聲遠播景福

方來臣某等芸蠹清寒蓬鰲舞抃青宮陽氣噓回壽域
之春東壁文光喜近前星之照

皇太子箋

大德十三年
趙忭

天開黃道新正紀鳳歷之元春麗青宮瑞氣藹龍樓之
曉光生中禁懽動寰區中賀粹毓英姿篤行正道文明
剛毅立國本以在躬仁厚謙恭正儲端而修德永膺多
福茂衍丕圖臣等仰對昌辰俯陳賀悃正月之吉喜交
泰於方來前星所臨覩重輝之有瑞

上皇太后尊號賀皇帝表

至大三年
張振

聖人臨御孝莫大於尊親顯號推揚禮無踰於成憲臣
鄰胥慶夷夏交歡中賀統天繼聖欽文英武大章孝皇

帝陛下濬哲溫恭剛健篤實受天明命纘累聖之丕圖
歸美慈闈暢一家之和氣增崇坤極俯順人心顧治道
之有光寶母儀之攸賴臣某等欣逢盛際忝職秘書竇
冊升聞德獨高於任姒瑤階拜祝壽願等於乾坤

賀皇太后受尊號表

慈謨丕顯端居長樂之尊徽號推崇益著思齊之聖慶
綿宗社喜濫寰區中賀儀天興聖慈仁昭懿壽元皇太
后陛下道合坤元仁均蒙養處崇高而弗有由恭儉以
能先大明繼升素定禁中之策重暉有耀獨先天下之
公惟大德之難酬宜鴻名之誕舉載揚懿範用聳羣瞻
臣某等濫守蘭臺欣逢編典增輝彤史光昭任如之音
贊治皇圖遠比唐虞之盛

賀皇太子千秋箋

至大四年
白鐸

光耀前星位啓東宮之正誕彌厥月祥開南極之明喜

決人神歡騰寰宇

中賀

挺姿英粹迪德溫文監國撫軍

允叶元良之望問安侍膳幸崇孝養之儀對越天地之
耿光丕承祖宗之休烈臣某等忝司秘閣幸際昌辰青
禁稱觴祝益隆於三善皇圖衍祚期永錫於萬年

登極賀表

至大四年
白鐸

大寶正位重離繼明廓天下以光昭踵勲華而授受懽
生京闕慶浹堪輿

中賀

協舜溫恭嗣湯勇智衍皇圖於

祖武本聖道於人倫中國之有至仁無思不服王者之
大一統咸與維新景命方綿鴻基滋固臣等叨居秘府
獲覲明時煦嫗至恩惟天所覆地所載詠歌獻莫如月
之恒日之升

天壽節賀表

延祐三年
鄭方大

清明簡在聖躬企瞻龍御上已著為令節再紀虹流凡
依日月之光共贊春秋之富中賀尊臨南面敬萃東朝
紀綱制度之精詳繩其祖武文物典章之備具貽厥孫

謀願言沾被於君恩長是融和之天氣臣某等濫膺館
職幸遇昌期皇帝福壽萬年玉芝愈茂御府圖書四庫
金鑑常新

冊皇太子賀皇帝表

寶命增輝離正煥重明之象璿源儲秀震亨開一索之
祥嘉慶繇傳歡聲總集中賀受天明命纂國丕基眷維
宗社之安允屬元良之建上天歆祐宜四海以歸心列
聖顧存實一人之有慶臣某等叨居祕府喜際昌期復

觀周祚之隆本支百世願效華封之祝壽考萬年

皇太子受冊賀箋

延祐六年
呼圖克岱爾

鴻冊東宮允叶推尊於太極龍墀南面應符儲位於前
星宗社無疆臣民有慶中賀聰明時憲剛健日新遵祖

訓以紹丕圖宸闡晝永奉慈顏而隆至養宇宙春回愛
守器之克勤實肇邦之是賴臣某等式瞻鶴禁叨職麟
臺隆儀如日之方升休光仰荷盛典與天而齊久眷命

恢洪

皇太子箋文

延祐七年
御玉立

寶歷授時布陽春於萬寓玉卮稱壽集嘉慶於重闈民
物阜康乾坤開泰中賀性全英睿器合溫文宣忠孝之
鴻規永維時義佩詩禮之明訓慎厥身修茂對良辰誕
膺繁祉臣某等職叨中秘行綴末班邦本益隆光贊升
平之治輿情胥悅潤沾普博之恩

正旦賀表

至治三年

璿璣齊政載調七十二候之和黼座當陽誕受千八百

金匱要略卷八
國之賀神人協贊宗社交歡

中賀

道與日新聖由天縱

丕承祖武登庸輔相之賢克厲德心敷錫黎元之福履
泰亨於至治體乾健於大明臣某等忝列朝班叨塵秘
府椒盤獻頌式符嵩嶽之呼楓陛稱觴願效華封之祝

登寶位賀表

至治三年
張宏殷

體元居正乾坤啟景命之符膺籙受圖宗社衍鴻禧之
慶山川改觀草木增輝

中賀

敬同日躋聖由天縱斗轉

星杓誕屆三朝之盛春融椒頌茂膺五福之隆率土維

新普天胥慶中賀德侔坤順位配乾元仁洽家邦贊唐

虞之聖治德彰宮壺蹈任如之高風恭履剛辰克彰柔
道臣某等叨居秘府謬列相班頌衍周詩敢效二南之
詠觴稱漢殿願伸萬歲之呼

正旦賀表

泰定二年
塔斯布哈

青陽肇序式隆泰長之亨紫禁回春光啟乾嘉之會歡
騰中外慶溢寰區中賀乃聖乃神曰肅曰義昊天欽若

經堯歷以授時正月始和詔周邦而敷治恢宏至道茂

介繁禧臣等職忝石渠班聯玉笋拱北辰而居所願效
衆星瞻東壁以對揚虔稱萬壽

賀皇太子千秋箋

泰定二年
王守誠

青陸迴陽正月啓東宮之慶紫霄分瑞前星映南極之
輝適經七日之為人樂與四方而來賀中賀仁充區域孝

定邦基德表重光瑞錫綿綿之庇愛均同氣芳聯韡韡
之華三光迎載育之祥百世衍維祺之福某等沾恩叨
海登仕蓬山寶歷夏時永翊鴻圖於中夏玉卮春酒載

融鶴禁之長春

天壽節賀表

泰定二年
王守誠

河圖成十乾為萬物之元太極函三天啟一人之祚仰
瑤光而紀瑞先寶歷以迎長中賀精義入神睿思作聖
山川咸秩將泰稷之馨香原隰載馳播絲綸之寬大皞
皞承謨之顯綿綿錫嘏之純某等就日蓬萊披雲閣闔
書陳金鏡文章貫東壁之躔樂合應鐘舞蹈祝南山之

壽

正旦節賀表

三元開泰龍躔析木之津八表迎祥燕進椒花之頌允
昭人正適謹王春中賀聖德聰明睿謨濬哲永言而廣
賢路樂庶績之咸熙命相以贊大猷期九功之惟叙四
靈畢至諸福薦臻臣某等職忝木天班聯魏闕望雲稱
慶永依太極之尊就日舒誠悉囿同仁之化

賀皇后箋

泰定三年
那摩罕

歲集陬訖茂啟三陽之運春回禁苑聿開六壺之祥天

地清明宮闈愉悅中賀雅存懿範丕著徽音翟第以朝
敏慧夙成於君道彤管有煒賢慈式建於母儀克佐昌
辰允膺繁祉某等職廩東觀班遙內廷漢殿禮嚴願獻
椒花之頌周家化洽行歌樛木之詩

賀皇太子箋

泰定三年
伊克

維斗建寅歲式躔於析木於時為泰春始暢於瑤山氣
協鈞陶慶隆宗社中賀神凝玉宇德美淵潛發建元良
咸樂聖人之有子得聞孝悌必求端士之與居益乘長

善之資永作繼明之盛某等承恩蓬觀獻頌椒觴晝景
舒長觀壁奎之圖史仁風洋溢詠日月之輪光

天壽節賀表

泰定四年
國元歲

時維良月聿臨載夙之辰歷紀閏年丕衍重明之運大
開闔闔盛集衣冠永紹皇圖思章洪業類於上帝益嚴
昭格之誠錫厥庶民普洽好生之德神人胥悅遐邇均
安臣某等著述罔功際逢有幸升華東觀忝陪清峻之
班獻壽南山願祝靈長之祚

正旦賀表

泰定五年

王春謹始大開居正之儀璿政更新茂集履端之慶凡
知愛戴莫不尊親中賀道撫盈成功隆覆燾體乾坤之
交泰如日月之有恒肆赦推恩誕布德音之溥諏經問
道用圖政績之熙嗣歲聿興羣情胥悅臣某等叨居東
觀幸拱北辰玉筍聯班敢預簫韶之九奏椒花獻頌願
陪嵩嶽之三呼

正旦賀皇后箋

至順二年
王克修

春臨闔闔應淑氣於三陽風動蕭韶協徽音於六呂乾
坤開泰日月齊明中賀博厚無疆柔嘉維則五色煉補
天之石克佐中興七襄成輔日之章聿修內治正禕衣
而御翟相黼宸以當陽頌達椒盤祥開玉署某等夙叨
秘府喜際昌朝闕睢麟趾之化行二南正始既醉鳧鷖
之福備萬世太平

天壽節賀皇太后表

天歷三年
程大本

天開元旦慶一歲之更端星拱慈闈儼千官之在序凡

均覆載莫不懽忻

中賀

富貴克勤貞淑丕一雞鳴示儆

輔先帝之中興燕翼貽謀隆嗣皇之至養陰教久行於
中壺徽稱宜建於東朝茂對昌辰誕膺多祜某等叨恩
秘閣接武近班瞻鑒輅之承顏恭趨玉陛奉霞觴而上
壽永樂瑤池

天壽節賀表

至元六年
姚瑩

虹沅華渚呈上帝之儲祥電繞斗樞仰聖君之受命歡
盈宇宙瑞霽寰區

中賀

德輔天心基承祖訓渙綸音以

彰大化號令聿新施霈澤以示同仁典章仍舊願躋壽域共沐恩波某等職掌秘書班聯內署嵩呼萬歲誦四月維夏之詩虎拜千官致一人有慶之祝某等無任瞻天樂聖激切屏營之至謹奉表稱賀以聞

正旦賀表

至正元年
程益

春秋大一統羣臣舉元會之儀閏月定四時太史紀有年之慶諸福畢集萬姓交歡中賀恭已無為純一不已崇儒重道載興取士之科尊祖敬宗聿嚴躬祀之典天

地位而萬物育極致中和股肱良而庶事康爰資謀斷
緝熙聖學而作之君師率由舊章而建用皇極某等職
司芸閣敬奉椒觴河出圖而洛出書東壁煥人文之秘
雲從龍而風從虎大廷覩聖德之光

賀皇后箋

至正元年
程益

星軒肅駕法臨九嬪之尊斗柄回春禮謹三朝之始乾
坤交泰日月合明中賀德著家邦化行江漢天啟椒房
之戚位正母儀人思彤管之風治成陰教跬步合珩璜

之節動容守師傅之規淑慎其身柔嘉維則臣某等論
思虎觀獻納龍廷歌二南之詩竊冀本支於百世賴一
人之慶願齊聖壽於萬年

天壽節賀表

至正元年
程益

四月惟夏有聞震夙之祥衆星拱辰咸仰照臨之德歡
騰海宇喜溢廟廊中賀守位曰仁制心以禮南風薰兮
民愠解洽洽五絃黃河清而聖人出慶延九鼎人文宣
朗於東壁君臣相悅於內朝成功難名太平有象臣等

叨司芸閣趨賀彤庭禹範箕疇允協休徵於甲觀堯年
舜日願祝聖壽於華封

正旦賀表

至正二年
劉鶚

鳳歷頒春新九天之雨露雞籌報曉朝萬國之衣冠宗
社均安乾坤交泰中賀聖神天縱睿智性成日對經筵
俯聽近臣之講道時臨宣閣躬紬先聖之遺書恒存天
地之心恪守祖宗之憲允為至正聿底隆平臣等託跡
清朝承恩秘府幸際唐虞之盛治莫效寸功唯懷嵩嶽

之微忱三呼萬歲

賀皇后箋

至正二年
劉鶚

時當泰運肇正月之始和位重坤闡啟萬年之齊壽歡
騰宗社喜動宮庭中賀徽柔懿恭端嚴清肅承天體道
母儀已著於多方治國齊家后德有光於前代青陽茂
對洪福駢臻臣等幸際明時叨榮秘閣捧玉箋而慶抃
序列千官瞻金闕之崇高雲開五色

天壽節賀表

至正二年
商企翁

月屬乾剛易著飛龍之德斗昭電瑞地孚鳴社之符萬
世宏休八方均慶中賀道包衆有仁洽羣生探唐虞致
治之原味洙泗相傳之奧搜材策士振文教以維新斂
福錫民建皇極而永協臣某等職叨祕府班綴禁庭就
日望雲睹盛儀而益肅奉觴執玉獻景奠以無疆



秘書監志卷八